



SLUŽBENI GLASNIK

OPĆINE KLJUČ

Godina XXVIII
Broj 9

Ključ
Utorak, 22.10.2024. godine

Izdanje na
bosanskom jeziku

Izdavač: Općina Ključ
Odgovorni urednik: Nedžad Pobrić
Redakcioni odbor:
Suada Hamzić
Dženana Kujundžić Domazet
Zehra Čajić

Na osnovu člana 52 st. 3 tač.i) Poslovnika o radu Općinskog vijeća općine Ključ („Službeni glasnik općine Ključ br. 5/2013) Statutarno - pravna komisija na svojoj XXXVIII sjednici održanoj dana 13.9.2024. godine, utvrdila je

**PREČIŠĆENI TEKST
ODLUKE O UTVRĐIVANJU RADNOG
VREMENA U UGOSTITELJSKOJ
DJELATNOSTI, DJELATNOSTI OBRTA I
SRODNIH DJELATNOSTI, TRGOVINSKOJ
DJELATNOSTI, IGRARA ZA ZABAVU I IGARA
NA SREĆU NA PODRUČJU OPĆINE KLJUČ**

Prečišćeni tekst sadrži odredbe:

- *Odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću („ Službeni glasnik općine Ključ broj 7/21“*

- *Odluke o izmjenama i dopunama odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ od 30.11.2021. godine („Službeni glasnik općine Ključ“ broj 13/21),*

- *Odluke o drugoj izmjeni i dopuni Odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ od 31.08.2022. godine, („Službeni glasnik općine Ključ“ broj 8/22),*

- *Odluke o trećoj izmjeni i dopuni Odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ od 26.06.2023. godine, („Službeni glasnik općine Ključ“ broj 7/23)*

- *Ispravke Odluke o trećoj izmjeni i dopuni Odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ od 31.08.2023. godine (Službeni glasnik općine Ključ 9/23) i*

- *Odluke o četvrtoj izmjeni i dopuni Odluke o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ od 26.12.2023. godine, (Službeni glasnik općine Ključ broj 1/24)*

Broj: 02-02-2272/24

Datum: 13.9.2024. godine

PREDSJEDNICA STATUTARNO-PRAVNE
KOMISIJE
Salihović Fadila, s.r.

I - OPĆE ODREDBE

Član 1.

Ovom Odlukom utvrđuje se okvirno radno vrijeme i raspored radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću.

Član 2.

Pravna i fizička lica koja obavljaju djelatnosti navedene u članu 1. ove Odluke dužni su da donesu Odluku o rasporedu radnog vremena pridržavajući se pri tome rasporeda radnog vremena utvrđenog ovom Odlukom.

Član 3.

Pravna i fizička lica koja obavljaju djelatnost iz člana 1. ove Odluke dužni su istaknuti obavijest o radnom vremenu na vidnom mjestu na ulazu u poslovne prostorije.

Član 4.

- 1) Radno vrijeme objekata u kojima se obavljaju djelatnosti iz člana 1. ove Odluke raspoređuju se na ljetni i zimski vremenski period.
- 2) Ljetni vremenski period traje od 01.aprila – 30. septembra.
- 3) Zimski vremenski period traje od 01. oktobra tekuće do 31. marta naredne godine.

II - RADNO VRIJEME UGOSTITELJSKE DJELATNOSTI

Član 5.

(1) Radno vrijeme ugostiteljskih objekata iz skupine restorani, barovi (caffe bar), catering objekti i objekti jednostavnih usluga određuje se:

- (a) u zimskom periodu od 06-23 sata, vikendom (petak i subota), praznicima i u periodu od 21.12. do 07.01. od 06 – 24 sata
- (b) u ljetnom periodu od 06-24 sata vikendom (petak i subota) i praznicima od 06 – 01 sat narednog dana
- (c) U periodu od 01.07. do 31.08. (ponedjeljak-nedjelja) od 06 do 01 sati narednog dana
- (d) na dane 31-12/01.01. i 01.01./02.01. do 03h.

(2) Nakon isteka radnog vremena zabranjeno je zadržavanje lica u objektu osim uposlenika tog objekta.

Član 6.

(1) Radno vrijeme ugostiteljskih objekata iz skupine barovi (noćni klub, noćni bar, disco bar i disco klub), koji u skladu sa važećim propisima rade noću određuje se kako slijedi:

- a) Za noćne klubove i noćne barove:
- u zimskom periodu od 16-24 sata,
 - u ljetnom periodu od 17 sati tekućeg do 01 sat narednog dana,
 - u ljetnom i zimskom periodu vikendom (petak i subota) i državnim, međunarodnim i vjerskim (Bajram, Uskrs, Božić) praznicima od 18 sati tekućeg do 02 sata narednog dana.

b) Za disco barove i disco klubove određuje se radno vrijeme od 19 sati tekućeg do 03 sata narednog dana, a u periodu od 20.12. do 10.01. i od 01.07. do 31.08., za vrijeme državnih, međunarodnih i vjerskih (Bajram, Uskrs, Božić) praznika produžuje se radno vrijeme za jedan (1) sat.

(2) Nakon isteka radnog vremena zabranjeno je zadržavanje lica u objektu osim uposlenika tog objekta.

Član 7.

Radno vrijeme ugostiteljskih objekata (saloni za posebne prilike, hoteli, restorani i discoteke) u kojima se organizuju svečanosti i zabave (maturalna zabava, svadba, proslava godišnjica, kulturni program i sl.), uz prethodno pribavljenu saglasnost od Policijske stanice Ključ, određuje se od 19 sati tekućeg i najduže do 05 sati narednog dana.

Član 8.

(1) Izvođenje žive (i didžej) ili emitovanje muzike putem akustičnih uređaja (i didžej) u zatvorenom prostoru će se provoditi u okviru propisanog radnog vremena u skladu sa članom 16. Zakona o zaštiti od buke („Službeni glasnik Unsko-sanskog kantona“ broj: 3/13).

(2) U svim gostiteljskim objektima iz člana 5. i 6. ove Odluke zabranjeno je izvođenje žive muzike i emitovanje muzike na bilo koji način putem akustičnih uređaja na otvorenom prostoru (otvorene i zatvorene bašte) poslije 22 sata u zimskom periodu, poslije 23 sata u ljetnom periodu, na dan državnih, međunarodnih i vjerskih (Bajram, Uskrs, Božić) praznika poslije 24 sata, vikendom poslije 24 sata i svim danima u sedmici u periodu od 01.07. do 30.08. i od 21.12. do 07.01. poslije 24 sata ako nivo buke ne prelazi propisane nivoe i ako imaju ugrađen

ograničavač (limiter) nivoa reprodukcije zvuka propisanih Zakonom o zaštiti od buke („Službeni glasnik Unsko-sanskog kantona“ broj:3/13).

(3) Zahtjev za izdavanje odobrenja za držanje muzike uživo u toku sedmice podnosi se najkasnije tri dana prije termina držanja muzike uživo. Ukoliko će se u toku mjeseca muzika uživo izvoditi u više termina, rješenja će se izdavati sedmično.

(4) Uz zahtjev potrebno priložiti sljedeću dokumentaciju:

- ugovor potpisan sa izvođačem muzike,
- dokaz o uplati komunalne takse,
- potvrdu o ugrađenom limiteru

Prije izdavanja odobrenja za držanje muzike uživo Služba će od Policijske stanice Ključ po svakom zahtjevu pribaviti informaciju da nije bilo narušavanja javnog reda i mira, prekoračenja nivoa buke niti prekoračenja radnog vremena i perioda dozvoljenog za držanje muzike u živo.

Ugostiteljski objekti koji budu postupali protivno članu 8. Odluke držanje muzike u živo neće se odobriti 15 dana od momenta utvrđivanja kršenja odredbi iz člana 8.

(5) Izuzeti od podnošenja zahtjeva za izdavanje odobrenja za držanje muzike uživo su ugostiteljski objekti vrste „hoteli“, „disco barovi“ i „disco klubovi“.

(6) Ugostiteljski objekti vrste restorani i saloni za posebne prilike izuzeti su od podnošenja zahtjeva za izdavanje odobrenja za držanje muzike uživo samo u slučajevima kada se u istima organizuju privatne proslave (svadbe, kumstva/rođendani, proslava godišnjica, maturalne zabave, kulturni programi i sl.)

Član 9.

Radno vrijeme ugostiteljskih objekata koji pružaju usluge noćenja (radno vrijeme prijemnog hola – recepcije) određuje se od 00 do 24 sata.

Član 10.

Ugostiteljski objekti svih vrsta, koji posluju u sklopu objekata, autobuske stanice, benzinskih pumpi, gradske tržnice ili pijace, posluju u radnom vremenu objekata u kojem se nalaze.

III - RADNO VRIJEME DJELATNOSTI OBRTA I SRODNIH DJELATNOSTI

Član 11.

(1) Radno vrijeme obrta i srodnih djelatnosti određuje se da isti mogu raditi:

a) u zimskom vremenskom periodu od 07 do 20 sati.

b) u ljetnom vremenskom periodu od 07 do 21 sati.

(2) U okviru radnog vremena utvrđenim ovim članom, vlasnik obrta /srodne djelatnosti može slobodno organizirati svoje poslovanje u jednokratnom ili dvokratnom vremenu.

(3) Izuzetak iz odredbi stava 1. ovog člana, čine pekare, za koje se utvrđuje radno vrijeme u trajanju od 00 do 24 sata, radnim danom, nedjeljom i praznicima. Ova odredba se odnosi na proizvodni dio pekare. Prodaja pekarskih proizvoda se može vršiti:

- putem prodajnog dijela pekare u vremenu predviđenom u stavu 1. ovog člana
- putem šaltera u vremenu od 00 do 24 sata.

IV – RADNO VRIJEME OBJEKATA ZA PRIREĐIVANJE IGARA ZA ZABAVU I IGARA NA SREĆU

Član 12.

Radno vrijeme objekata u kojima se priređuju igre na sreću (kasino, igre na sreću na automatima i kladioničarske igre), utvrđeno je odredbama člana 61., 83. i 102. Zakona o igrama na sreću (Sl. novine F BiH, broj 48/15)

Član 13.

(1) Radno vrijeme objekata u kojima se priređuju zabavne igre (igre na računarima, simulatorima, video-automatima, fliperima, pikado, bilijar i sl.), određuje se od 08 do 24 sata u ljetnom periodu i od 08 do 23 sata u zimskom periodu.

(2) U slučaju kada se zabavne igre iz stava (1) ovog člana priređuju u ugostiteljskom objektu, isti posluju u radnom vremenu objekta u kojem se nalaze.

V – RADNO VRIJEME TRGOVINSKIH DJELATNOSTI

A - TRGOVINA NA MALO, MINIMARKETI (SAMOPOSŁUGE) I HIPERMARKETI

Član 14.

(1) Radno vrijeme trgovine na malo, minimarketi (samoposługa) i hipermarketi rade u ljetnom periodu od 07 do 21 sata, a u zimskom od 07 do 20 sati.

(2) Radno vrijeme nedjeljom je od 07 do 12 sati.

(3) Neradni dan je 1. dan državnog, međunarodnog i vjerskog praznika i to na dan kada pada praznik

(4) Izuzetno od odredbi iz stava (1) ovog člana trgovine na malo, minimarketi (samoposługe) i

hipermarketi koji ne mogu obezbjediti neprekidno radno vrijeme mogu raditi dvokratno.

B - OSTALI PRODAJNI OBJEKTI

KNJIŽARE

Član 15.

Knjižare rade svakim radnim danom od 07 do 20 sati.

KIOSCI ZA NOVINE

Član 16.

(1) Kiosci za novine rade svakim radnim danom u ljetnom periodu od 07 do 21 sata, a u zimskom od 07 do 20 sati.

(2) Radno vrijeme nedjeljom je od 07 do 12 sati.

(3) Neradni dan je 1. dan državnog, međunarodnog i vjerskog praznika i to na dan kada pada praznik.

MESNICE

Član 17.

(1) Mesnice rade svakim radnim danom u ljetnom periodu od 07 do 21 sata, a u zimskom od 07 do 20 sati.

(2) Radno vrijeme nedjeljom je od 07 do 12 sati.

(3) Neradni dan je 1. dan državnog, međunarodnog i vjerskog praznika i to na dan kada pada praznik.

PRODAVNICE AUTODIJELOVA – STOVARIŠTA I BENZINSKE PUMPE

Član 18.

(1) Prodavnice autodijelova rade svakim radnim danom od 07 do 19 sati.

(2) Prodavnice građevinskog materijala (stovarišta) rade svakim radnim danom od 07 do 19 sati.

(3) Benzinske pumpe rade svakim danom non – stop.

TRŽNICE

Član 19.

(1) Pijaca u Ključu radi jednom sedmično i to subotom od 06 do 14 sati, a pijaca u Sanici utorkom od 06 do 14 sati.

(2) Ukoliko državni praznik pada u subotu ili utorkom pijaca se pomjera na dan prije praznika.

Član 20.

Nadležni Općinski organ može utvrditi radno vrijeme za prodaju roba izvan prodavnice (tržnice, sajmovi, izložbe itd.), ako se za to ukaže potreba.

APOTEKE**Član 21.**

Apoteke mogu organizirati rad od 0-24 sata.

VI – OGRANIČAVANJE RADNOG VREMENA**Član 22.**

(1) Ako se obavljanjem ugostiteljske, trgovinske, obrta i srodne djelatnosti, trgovinske djelatnosti i djelatnosti igara za zabavu i igara nasreću uznemiravaju građani koji rade ili stanuju u susjedstvu Općinski načelnik će putem nadležne službe, po prethodno pribavljenom mišljenju Policijske stanice Ključ ograničiti radno vrijeme do 4 sata od propisanog radnog vremena minimalno na dva mjeseca pridržavajući se sljedećih kriterija:

- a) da je ugostiteljski, obrtnički, trgovački objekat ili objekat u kojem se priređuju igre za zabavu i igre na sreću dio stambeno-poslovne zgrade kolektivnog stanovanja, ili se nalazi unutar objekta za individualno stanovanje, a učestalo se narušava javni red i mir;
- b) da je tokom godine ugostitelj, obrtnik, trgovac ili vlasnik objekta djelatnosti igara za zabavu i igara nasreću najmanje dva puta kažnjavao, pravomoćnim rješenjem nadležnog suda za prekršaje (ili prekršajnim nalogom), zbog prekoračenja dozvoljenog radnog vremena ili narušavanja javnog reda i mira u ugostiteljskom, obrtničkom, trgovačkom objektu ili objektu u kojem se priređuju igre za zabavu i igre na sreću;
- c) da se u ugostiteljskom objektu ili njegovoj neposrednoj blizini učestalo narušava javni red i mir, vrši uživanje i prodaja narkotičkih sredstava i druga društveno negativna ponašanja, o čemu postoje zapisnici i izvješća nadležnih organa;
- d) da se u ugostiteljskom, obrtničkom ili trgovačkom objektu učestalo ne poštuje radno vrijeme, o čemu postoje zapisnici nadležnih organa o povredama ove Odluke.

Član 23.

Za donošenje Rješenja o utvrđivanju kraćeg radnog vremena od propisanog, dovoljno je da se utvrdi ispunjenost jednog od kriterija iz prethodnog člana.

Član 24.

Zahtjev za pokretanje postupka za ograničenje radnog vremena iz prethodnog člana ove Odluke mogu podnijeti: stanari zgrade, Savjet mjesne zajednice, grupa građana (najmanje 15 građana) i Policijska stanica.

Član 25.

(1) Pravno i fizičko lice, vlasnik ugostiteljskog objekta kome je ograničeno radno vrijeme može pokrenuti postupak za ukidanje ograničenja radnog vremena i prije isteka roka do kojeg mu je ograničeno radno vrijeme.

(2) Prilikom odlučivanja o zahtjevu iz prethodnog stava ovog člana potrebno je o istom zatražiti mišljenje Policijske stanice Ključ.

VII - NADZOR**Član 26.**

Nadzor nad provođenjem ove Odluke vrše nadležne Kantonalne inspekcije u okviru svojih ovlaštenja, komunalni redari ili komunalni inspektor u okviru kontrole prekoračenja nivoa buke u skladu sa Zakonom o zaštiti od buke („Službeni glasnik Unsko-sanskog kantona“ broj:3/13) i službenici Policijske stanice Ključ u okviru kontrole radnog vremena, držanja muzike uživo i emitovanja muzike na bilo koji način putem akustičnih uređaja.

VIII - KAZNENE ODREDBE**Član 27.**

(1) Novčanom kaznom u iznosu od 500,00 do 1.000,00 KM kaznit će se fizičko i pravno lice ukoliko se ne pridržava radnog vremena propisanog članovima 5. - 10. ove Odluke.

(2) Novčanom kaznom u iznosu od 300,00 do 500,00 KM kaznit će se fizičko i pravno lice ukoliko se ne pridržava radnog vremena propisanog članovima 11. - 21. ove Odluke.

IX - PRELAZNE I ZAVRŠNE ODREDBE**Član 28.**

Općinsko Vijeće ovlašćuje Općinskog načelnika da može za djelatnosti iz člana 1. ove Odluke

posebnom naredbom, u dane praznika, odrediti drugačije radno vrijeme od radnog vremena propisanog ovom Odlukom ako ocijeni da za to postoje opravdani razlozi.

Član 29.

Pravna i fizička lica koja obavljaju djelatnosti iz člana 1. ove Odluke dužna su svoje radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 30.

Stupanjem na snagu ove Odluke prestaje da važi Odluka o utvrđivanju radnog vremena u ugostiteljskoj, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ („Službeni glasnik općine Ključ“ broj: 8/14 i 2/20).

Član 31.

Ova Odluka stupa na snagu osmog dana od dana objavljivanja u „Službenom glasniku općine Ključ“.

Ovaj prečišćen tekst objavit će se u „Službenom glasniku općine Ključ“, a primjenjivat će se od dana objavljivanja.

Na osnovu člana 15. stav 1. alineja 8. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), člana 51. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), člana 95. stav (3) Zakona o državnoj službi u Unsko-Sanskom kantonu („Službeni glasnik USK“, br. 14/17 i 15/20), člana 44. Uredbe o načelima za utvrđivanje unutrašnje organizacije organa državne službe u Unsko-sanskom kantonu („Službeni glasnik Unsko-sanskog kantona“, broj: 22/17), člana 37. stav (1) Uredbe o poslovima osnovne djelatnosti iz nadležnosti organa državne službe Unsko-sanskog kantona koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa („Službeni glasnik USK“, broj: 22/17), člana 25. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službeni glasnik USK“, br. 22/17, 7/18 i 18/18), člana 40. Statuta Općine Ključ - Prečišćeni tekst („Službeni glasnik Općine Ključ“, br. 3/10 i 3/11) i Odluke o organizaciji i djelokrugu rada Jedinštenog općinskog organa

uprave Općine Ključ („Službeni glasnik Općine Ključ“, broj: 3/19 i 3/21), a uz mišljenje Sindikalnog odbora Općine Ključ broj: 01-IV-21/24 od 12.9.2024. godine, Općinski načelnik Općine Ključ donosi:

P R A V I L N I K o desetoj izmjeni prečišćenog teksta Pravilnika o unutrašnjoj organizaciji Jedinštenog općinskog organa uprave Općine Ključ

Član 1.

U prečišćenom tekstu Pravilnika o unutrašnjoj organizaciji Jedinštenog općinskog organa uprave Općine Ključ, broj: 02-02-1501/21 od 23.07.2021. godine, broj: 02-02-1501-1/21 od 24.08.2021. godine, broj: 02-02-1501/21 od 14.01.2022. godine, broj: 02-02-1501/21 od 27.01.2022. godine, broj: 02-02-1501/21 od 31.03.2022. godine, broj: 02-02-577/23 od 04.04.2023. godine, broj: 02-02-1525/23 od 12.07.2023. godine, broj: 02-02-2204/23 od 26.10.2023. godine, broj: 02-02-2583/23 od 8.12.2023. godine i broj: 02-02-1948/24 od 24.7.2024. godine u članu 12, stav (1) mijenja se i glasi:

„(1) U okviru sistematizacije radnih mjesta u Jedinštenom općinskom organu uprave Općine Ključ utvrđuju se ukupno 76 radnih mjesta i to:

- a) 1 rukovodeći državni službenik,
- b) 2 savjetnika Općinskog načelnika,
- c) 30 državnih službenika,
- d) 44 namještenika.

Član 2.

U članu 13, tačka 2. u tabeli Kategorija radnog mjesta u koloni – USLOVI ZA VRŠENJE POSLOVA, riječi „položen ispit za samostalnog knjigovođu“ se brišu.

Član 3.

Ovaj Pravilnik stupa na snagu danom donošenja i objaviće se u „Službenom glasniku Općine Ključ“.

Broj: 02-02-2257/24
Ključ, 12.9.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13), člana 38. Pravila JU „Centar za kulturu i obrazovanje“ Ključ broj: 01/1-66/16 od 07.06.2016. godine i Odluke o izmjenama i dopunama Pravila JU „Centar za kulturu i obrazovanje“ Ključ („Službeni glasnik općine Ključ“, broj: 5/18), člana 40. Statuta Općine Ključ – Prečišćeni tekst („Službeni glasnik općine Ključ“, broj: 3/10 i 3/11) i Rang liste najboljih kandidata koji ispunjavaju kriterije za imenovanje za članove Nadzornog odbora u JU „Centar za kulturu i obrazovanje“ broj: 02-45-2001-5/24 od 2.9.2024. godine, a koju je sačinila Komisija za izbor kandidata na mjesto direktora i članova upravnih i nadzornih odbora JU i JP kojima je općina Ključ osnivač, Općinski načelnik Općine Ključ donosi:

R J E Š E N J E
o imenovanju Nadzornog odbora
JU „Centar za kulturu i obrazovanje“ Ključ

I

Imenuje se Nadzorni odbor JU „Centar za kulturu i obrazovanje“ Ključ u sljedećem sastavu:

PUDIĆ HAKIJA, ispred Osnivača, predsjednik,
DRAGANOVIĆ SEMIR, iz reda zaposlenika, član.

II

Mandat članova Nadzornog odbora iz tačke I ovog Rješenja traje četiri (4) godine počev od dana imenovanja.

III

Ovlašćuje se direktor JU „Centar za kulturu i obrazovanje“ da sa članovima iz tačke I ovog Rješenja zaključi ugovor kojim će se urediti međusobna prava i obaveze u skladu sa zakonom, drugim podzakonskim aktima i Pravilima JU „Centar za kulturu i obrazovanje“.

IV

Protiv ovog Rješenja prigovor može uputiti bilo koja zainteresirana strana u skladu sa članom 16. Zakona o ministarskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/13).

V

Ovo Rješenje stupa na snagu danom donošenja a objavit će se u „Službenom glasniku općine Ključ“.

Broj: 02-04-9-2193/24
Ključ, 2.9.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, br. 12/03, 34/03 i 65/13), člana 22. Pravila JU „Centar za kulturu i obrazovanje“ Ključ broj: 01/1-66/16 od 07.06.2016. godine i Odluke o izmjenama i dopunama Pravila JU „Centar za kulturu i obrazovanje“ Ključ („Službeni glasnik općine Ključ“, broj: 5/18), člana 40. Statuta Općine Ključ – Prečišćeni tekst („Službeni glasnik Općine Ključ“, br. 3/10 i 3/11) i Rang liste najboljih kandidata koji ispunjavaju kriterije za imenovanje članova Upravnog odbora u JU „Centar za kulturu i obrazovanje“ broj: 02-45-2001-6/24 od 5.9.2024. godine, a koju je sačinila Komisija za izbor kandidata na mjesto direktora i članova upravnih i nadzornih odbora JU i JP kojima je Općina Ključ osnivač, Općinski načelnik Općine Ključ donosi:

R J E Š E N J E
o imenovanju člana Upravnog odbora
JU „Centar za kulturu i obrazovanje“ Ključ

I

ANEL PUDIĆ, iz Ključa, imenuje se za člana Upravnog odbora JU „Centar za kulturu i obrazovanje“ Ključ – predstavnik Osnivača.

II

Mandat člana Upravnog odbora iz tačke I ovog Rješenja traje četiri (4) godine počev od dana imenovanja.

III

Ovlašćuje se direktor JU „Centar za kulturu i obrazovanje“ da sa članom iz tačke I ovog Rješenja zaključi ugovor kojim će se urediti međusobna prava i obaveze u skladu sa zakonom, drugim podzakonskim aktima i Pravilima JU „Centar za kulturu i obrazovanje“.

IV

Protiv ovog Rješenja prigovor može uputiti bilo koja zainteresirana strana u skladu sa članom 16. Zakona o ministarskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/13).

V

Ovo Rješenje stupa na snagu danom donošenja, a objavit će se u Službenom glasniku Općine Ključ.

Broj: 02-04-9-2230/24
Ključ, 5.9.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13), člana 22. Pravila JU „Centar za kulturu i obrazovanje“ Ključ broj: 01/1-66/16 od 07.06.2016. godine i Odluke o izmjenama i dopunama Pravila JU „Centar za kulturu i obrazovanje“ Ključ („Službeni glasnik Općine Ključ“, broj: 5/18), člana 40. Statuta Općine Ključ – Prečišćeni tekst („Službeni glasnik Općine Ključ“, br. 3/10 i 3/11) Općinski načelnik Općine Ključ donosi:

RJEŠENJE

o imenovanju predsjednika i člana privremenog Upravnog odbora JU „Centar za kulturu i obrazovanje“ Ključ

I

- Za predsjednika privremenog Upravnog odbora JU „Centar za kulturu i obrazovanje“ (predstavnik Osnivača) imenuje se DRAGANOVIĆ EMINA, Profesor pedagogije, iz Ključa
- Za člana privremenog Upravnog odbora JU „Centar za kulturu i obrazovanje“ (iz reda zaposlenih) imenuje se MEDIĆ AMIR, sa završenom srednjom stručnom spremom - ekonomista, iz Ključa.

II

Predsjednik i član privremenog Upravnog odbora iz člana I ovog Rješenja imenuju se do okončanja postupka konačnog imenovanja Upravnog odbora u skladu sa Zakonom o ministarskim, vladinim i drugim imenovanjima Federacije Bosne i Hercegovine, a najduže na period od 3 (tri) mjeseca od dana imenovanja.

III

Ovo Rješenje stupa na snagu danom donošenja a objavit će se u Službenom glasniku Općine Ključ.

Broj: 02-04-9-2231/24
Ključ, 5.9.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 29. Uredbe sa zakonskom snagom o ustanovama Bosne i Hercegovine („Službeni glasnik BiH“ br. 6/92, 8/93, 13/94), člana 33. stav (1) Pravila JU „Centar za kulturu i obrazovanje“ Ključ – Prečišćeni tekst, broj: 01/1-66/16 od 07.06.2016. godine i Odluke o izmjenama i dopunama Pravila JU „Centar za kulturu i obrazovanje“ Ključ („Službeni glasnik Općine Ključ“, broj: 5/18), Općinski načelnik Općine Ključ donosi sljedeću:

ODLUKU

o davanju prethodne saglasnosti za imenovanje direktora JU „Centar za kulturu i obrazovanje“ Ključ

I

Općinski načelnik Općine Ključ daje prethodnu saglasnost Upravnom odboru JU „Centar za kulturu i obrazovanje“ Ključ za donošenje Odluke o imenovanju direktora JU „Centar za kulturu i obrazovanje“ Ključ – Egrlić (Husein) Adisa, sa završenom visokom stručnom spremom po zanimanju Diplomirani politolog, iz Ključa.

II

Ova Odluka stupa na snagu danom donošenja, a objavit će se u Službenom glasniku Općine Ključ.

Broj: 02-04-9-2255/24
Ključ, 11.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik općine Ključ na osnovu člana 27. Zakona o lokalnoj samoupravi USK („Službeni glasnik USK“, broj: 8/11) i člana 40. Statuta Općine Ključ – prečišćeni tekst („Službeni glasnik Općine Ključ“, broj: 3/10 i 3/11), donosi

RJEŠENJE

o izmjeni Rješenja o imenovanju Tima za izradu Plana integriteta Općine Ključ, broj: 02-45-727/23 od 13.04.2023. godine

I

U Rješenju Općinskog načelnika Općine Ključ o imenovanju Tima za izradu Plana integriteta Općine Ključ, broj: 02-45-727/23 od 13.04.2023. godine, tačka I, podtačka 1. mijenja se i glasi:

„1. Nevres Mešić, Sekretar općinskog organa uprave općine Ključ – koordinator tima,“

II

U preostalom dijelu Rješenje iz tačke I ostaje nepromijenjeno.

III

Ovo Rješenje stupa na snagu danom donošenja, a objavit će se u „Službenom glasniku Općine Ključ“.

Broj: 02-45-727/23
Ključ, 24.09.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 19. stav (2). Odluke o načinu odabira i praćenju realizacije projekata organizacija civilnog društva („Službeni glasnik Općine Ključ“, broj: 7/24), a po okončanom Javnom pozivu upućenom organizacijama civilnog društva za predaju prijedloga projekta za 2024. godinu, Općinski načelnik Općine Ključ donosi:

O D L U K U
o raspodjeli sredstava za (su)finansiranje projekata organizacija civilnog društva u 2024. godini

Član 1.

Ovom Odlukom utvrđuju se projekti koji će biti (su)finansirani od strane Općine Ključ u 2024. godini, a na osnovu pristiglih projektnih prijedloga od strane organizacija civilnog društva i utvrđene rang liste projektnih prijedloga koju je sačinila Komisija za ocjenu projektnih prijedloga po Javnom pozivu upućenom organizacijama civilnog društva za dostavljanje prijedloga projekata za 2024. godinu.

Član 2.

U 2024. godini iz Budžeta Općine Ključ biće (su)finansirana ukupno 2 (dva) projektna prijedloga i to:

I prioritetna oblast - kultura:

Projektni prijedlog pod nazivom „**XIII smotra folkloru Sanica 2024**“ kulturno umjetničkog društva KUD „Naša mladost“ Ključ - u iznosu od 2.500,00 KM,

II prioritetna oblast - podrška za djecu i odrasle sa poteškoćama u razvoju:

Projektni prijedlog pod nazivom „**Porodica je naš moto**“ Udruženje roditelja, djece i mladih sa posebnim potrebama „I mi se budimo“ Ključ u iznosu od 3.000,00 KM.

Član 3.

Zbog ne ispunjavanja kriterija, koji su definisani Odlukom o načinu odabira i praćenju realizacije projekata organizacija civilnog društva („Službeni glasnik Općine Ključ“, broj: 7/24) i Smjernicama za aplikante – organizacije civilnog društva, sljedeći projekti se diskvalifikuju:

1. Projektni prijedlog Planinarskog društva „Ključ“ se diskvalifikuje obzirom da je eliminatorni kriterij da se ne može za kupovinu opreme planirati više od 30% od ukupnog budžeta.
2. Projektni prijedlog Udruženja logoraša „Omer Filipović“ Ključ se diskvalifikuje obzirom da nisu dostavili potpunu dokumentaciju (nije

ovjerena kopija izvoda iz registra udruženja) te što zahtjevani budžet prelazi maximum definisan po javnom pozivu.

3. Projektni prijedlog KUD-a „Stari grad“ Ključ se diskvalifikuje obzirom da nisu dostavili potpunu dokumentaciju (nije dostavljena biografija koordinatora i izvještaj o implementaciji projekta koji je sufinansiran 2023. godine iz budžeta Općine Ključ). Također, planirana nabavka opreme prelazi 30% od ukupnog budžeta.
4. Projektni prijedlog Udruženja mještana „Troku“ Donja Sanica se diskvalifikuje obzirom da planirana nabavka opreme prelazi 30% od ukupnog budžeta.
5. Projektni prijedlog Sportskog udruženja „Kamičak“ se diskvalifikuje obzirom da planirana nabavka opreme prelazi 30% od ukupnog budžeta.
6. Projektni prijedlog UOC „Kosmos“ se diskvalifikuje obzirom da planirana nabavka opreme prelazi 30% od ukupnog budžeta.

Član 4.

Ugovor sa organizacijama civilnog društva iz člana 2. ove Odluke zaključit će Općinski načelnik Općine Ključ.

Član 5.

Ova Odluka stupa na snagu danom donošenja, a objaviće se u Službenom glasniku Općine Ključ.

Broj: 02-11-10-2062-3/24
Ključ, 26.9.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik općine Ključ na osnovu člana 27. Zakona o lokalnoj samoupravi USK („Službeni glasnik USK“, broj: 8/11) i člana 40. Statuta općine Ključ – prečišćeni tekst („Službeni glasnik Općine Ključ“, broj: 3/10 i 3/11), donosi

Z A K L J U Č A K

1. Nalaže se Službi za finansije i trezor Općine Ključ da prihvati i izvrši plaćanje računa JP „UKUS“ d.o.o. Ključ – u stečaju, broj: 289/2024 od 21.08.2024. godine, u iznosu od 239,85 KM, koji račun se odnosi na izvršene usluge hemijske i bakteriološke analize vode u naselju Donja Sanica, MZ Donja Sanica, za koji nije proveden postupak nabavke propisan Zakonom o javnim nabavkama („Službeni glasnik BiH“, broj: 31/14, 59/22 i 50/24) zbog činjenice da Općina Ključ nije bila ugovorna strana u postupku hemijske i bakteriološke analize vode.

2. Plaćanje iz tačke 1. ovog Zaključka izvršiti sa računa Općine Ključ na račun JP „UKUS“ d.o.o. Ključ, broj: 1610000307070098, i to sredstvima sa ekonomskog koda 613900 – ostale nepomenute usluge.
3. Za realizaciju ovog Zaključka zadužuje se Služba za finansije i trezor Općine Ključ.

Ovaj Zaključak stupa na snagu danom donošenja, a objavit će se u „Službenom glasniku Općine Ključ“.

Broj: 02-11-3-2295/24
Ključ, 18.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik općine Ključ na osnovu člana 27. Zakona o lokalnoj samoupravi USK („Službeni glasnik USK“, broj: 8/11) i člana 40. Statuta općine Ključ – prečišćeni tekst („Službeni glasnik Općine Ključ“, broj: 3/10 i 3/11), donosi

ZAKLJUČAK

1. Nalaže se Službi za finansije i trezor Općine Ključ da prihvati i izvrši plaćanje računa JP „UKUS“ d.o.o. Ključ – u stečaju, broj: 314/2024 od 11.09.2024. godine, u iznosu od 614,25 KM, koji račun se odnosi na izvršene usluge hemijske i bakteriološke analize vode u naselju Donja Sanica, MZ Donja Sanica, za koji nije proveden postupak nabavke propisan Zakonom o javnim nabavkama („Službeni glasnik BiH“, broj: 31/14, 59/22 i 50/24) zbog činjenice da Općina Ključ nije bila ugovorna strana u postupku hemijske i bakteriološke analize vode.
2. Plaćanje iz tačke 1. ovog Zaključka izvršiti sa računa Općine Ključ na račun JP „UKUS“ d.o.o. Ključ, broj: 1610000307070098, i to sredstvima sa ekonomskog koda 613900 – ostale nepomenute usluge.
3. Za realizaciju ovog Zaključka zadužuje se Služba za finansije i trezor Općine Ključ.

Ovaj Zaključak stupa na snagu danom donošenja, a objavit će se u „Službenom glasniku Općine Ključ“.

Broj: 02-11-3-2294/24
Ključ, 18.09.2024. godine

OPĆINSKI NAČELNIK
Nedžad Zukanović, prof., s.r.

Na osnovu člana 13. Zakona o javnim nabavkama u BiH („Službeni glasnik BiH“, br. 39/14 i 59/22), člana 3. Pravilnika o uspostavljanju i radu komisije za nabavke

(„Službeni glasnik BiH“, broj: 103/14), člana 40. Statuta Općine Ključ („Službeni glasnik Općine Ključ“, br. 3/10 i 3/11), Općinski načelnik Općine Ključ donosi:

RJEŠENJE o imenovanju Komisije za provođenje postupaka javne nabavke

I

Imenuje se Komisija za provođenje postupaka javne nabavke za:

- nabavku roba „kancelarijski namještaj“,
- nabavku roba „izgradnja tribina uz igralište u naselju Egrlići“,
- nabavku radova „uređenje saobraćajne i komunalne infrastrukture – IV faza“,
- nabavku radova „uređenje saobraćajne i komunalne infrastrukture – V faza“.

Komisija se imenuje u sljedećem sastavu:

- Jasna Bašić – predsjednik,
- Čahut Armin – zamjenik predsjednika,
- Suada Hamzić, član,
- Amir Hadžić, zamjenik člana,
- Zehra Čajić – član,
- Hata Šabić – zamjenik člana,
- Rufad Čajić – član,
- Amra Fetahović, zamjenik člana,
- Nermina Hamedović – član,
- Almir Džafić, zamjenik člana.

II

Zadatak Komisije je da, u skladu sa Zakonom o javnim nabavkama u BiH, vrši sljedeće poslove:

- a) Otvaranje zahtjeva za učešće,
- b) Provođenje javnog otvaranja ponuda,
- c) Pregledavanje, ocjena i uspoređivanje ponuda,
- d) Sačinjavanje zapisnika o ocjeni ponude,
- e) Sačinjavanje izvještaja o postupku javne nabavke,
- f) Davanje preporuke ugovornom organu za donošenje odluke o odabiru ili odluke o poništenju postupka nabavke.

III

Ovo Rješenje stupa na snagu danom donošenja i objaviće se u „Službenom glasniku Općine Ključ“.

Broj: 02-45-2519/24
Ključ, 14.10.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“,

br: 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/22), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev „Udruženje lovačko društvo Srna-Grmeč“, donosi:

ZAKLJUČAK

I

Sa računa Općine Ključ izvršiti prenos sredstava u iznosu 500,00 KM (petsto konvertibilnih maraka) na račun, „Udruženje lovačko društvo Srna-Grmeč“ za sufinansiranje odlaska na Igman, povodom okupljanja lovaca iz FBiH.

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun „Udruženje lovačko društvo Srna-Grmeč“, kod Raiffeisen bank br.1610000203160012.

III

„Udruženje lovačko društvo Srna-Grmeč“ dužno je sačiniti i dostaviti izvještaj o namjenskom utrošku sredstava najkasnije do kraja tekuće godine, a eventualno neutrošena sredstva, dužno je vratiti na transakcijski račun Općine Ključ.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-2252/24
Ključ, 12.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“, br: 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/22), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev Planinarsko društvo „Ključ“, donosi:

ZAKLJUČAK

I

Sa računa Općine Ključ izvršiti prenos sredstava u iznosu 500,00 KM (petsto konvertibilnih

maraka) na račun, Planinarsko društvo „Ključ“ za učestvovanje na 21. Svjetskom planinarskom prvenstvu u Austriji, Filzmoos u pokrajini Salzburg od 19.do 21.09. 2024. godine.

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun Planinarsko društvo „Ključ“, kod Raiffeisen bank br.1610000239520074.

III

Planinarsko društvo „Ključ“ dužno je sačiniti i dostaviti izvještaj o namjenskom utrošku sredstava najkasnije do kraja tekuće godine, a eventualno neutrošena sredstva, dužno je vratiti na transakcijski račun Općine Ključ.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-1911-1/24
Ključ, 19.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“, br: 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/22), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev Kantonalnog udruženja oboljelih od karcinoma „Behar“, donosi:

ZAKLJUČAK

I

Sa računa Općine Ključ izvršiti prenos sredstava u iznosu 500,00 KM (petsto konvertibilnih maraka) na račun, Kantonalnog udruženja oboljelih od karcinoma „Behar“ povodom putovanja u Sarajevo na 17. Jubilarnu Trku šetnju za ozdravljenje 28. i 29. septembra

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun Kantonalnog udruženja oboljelih od karcinoma „Behar“.

III

Kantonalno udruženje oboljelih od karcinoma „Behar“ dužno je sačiniti i dostaviti izvještaj o namjenskom utrošku sredstava najkasnije do kraja tekuće godine, a eventualno neutrošena sredstva, dužno je vratiti na transakcijski račun Općine Ključ.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-2374/24

Ključ, 25.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“, br. 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/24), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev „Udruženja demobilisanih boraca odbrambeno oslobodilačkog rata 92-95 Općine Ključ“, donosi:

Z A K L J U Č A K

I

Sa računa Općine Ključ izvršiti prenos sredstava u iznosu od 300,00 KM (tristo konvertibilnih maraka) na račun „Udruženja demobilisanih boraca odbrambeno oslobodilačkog rata 92-95 Općine Ključ, za jednokratnu novčanu pomoć demobilisanom borcu pripadniku Armije BiH, RVI-u.

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun Udruženja demobilisanih boraca odbrambeno oslobodilačkog rata 92-95 Općine Ključ, broj žiro računa: 1994400020536740 kod Sparkasse bank.

III

Udruženje demobilisanih boraca odbrambeno oslobodilačkog rata 92-95 Općine Ključ, dužno je sačiniti i dostaviti izvještaj o namjenskom utrošku dodijeljenih i doznačenih budžetskih sredstava do kraja godine, iz kojeg je vidljiv namjenski utrošak odobrenih i doznačenih finansijskih sredstava.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-2290/24

Ključ, 18.09.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“, br. 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/24), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev „Udruženja demobilisanih boraca odbrambeno oslobodilačkog rata 92-95 Općine Ključ“, donosi:

Z A K L J U Č A K

I

Sa računa Općine Ključ izvršiti prenos sredstava u iznosu od 1000,00 KM (hiljadu konvertibilnih maraka) na račun „Udruženja demobilisanih boraca odbrambeno oslobodilačkog rata 92-95 Općine Ključ, za jednokratnu novčanu pomoć demobilisanom borcu pripadniku Armije BiH, RVI-u.

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun Udruženja demobilisanih boraca odbrambeno oslobodilačkog rata 92-95 Općine Ključ, broj žiro računa: 1994400020536740 kod Sparkasse bank.

III

Udruženje demobilisanih boraca odbrambeno oslobodilačkog rata 92-95 Općine Ključ, dužno je sačiniti i dostaviti izvještaj o namjenskom utrošku dodijeljenih i doznačenih budžetskih sredstava do kraja godine, iz kojeg je vidljiv namjenski utrošak odobrenih i doznačenih finansijskih sredstava.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-2531/24
Ključ, 15.10.2024. godine

OPĆINSKI NAČELNIK
Nedžad Zukanović, prof., s.r.

Općinski načelnik Općine Ključ, na osnovu člana 27. Zakona o lokalnoj samoupravi USK („Službeni glasnik USK“, broj: 8/11), člana 40. Statuta Općine („Službeni glasnik Općine Ključ“, br: 3/10 i 3/11), člana 24. Odluke o izvršenju Budžeta Općine Ključ za 2024. godinu („Službeni glasnik Općine Ključ“, broj: 1/22), člana 3. Pravilnika o korištenju tekuće budžetske rezerve („Službeni glasnik Općine Ključ“, broj: 1/19), a na zahtjev Udruženje djece i omladine oboljele od dijabetesa USK, donosi:

Z A K L J U Č A K

I

Sa računa Općine Ključ izvršiti prenos sredstava u iznosu 1000,00 KM (hiljadu konvertibilnih maraka) na račun, Udruženje djece i omladine oboljele od dijabetesa USK za finansijsku podršku u realizaciji projekta „Sa dijabetesom kroz obrazovanje“.

II

Sredstva iz tačke I ovog Zaključka isplatiti iz sredstava Tekuće budžetske rezerve na žiro račun Udruženje djece i omladine oboljele od dijabetesa USK, kod Sparkasse bank broj.1994570021418704.

III

Udruženje djece i omladine oboljele od dijabetesa USK dužno je sačiniti i dostaviti izvještaj o namjenskom utrošku sredstava najkasnije do kraja tekuće godine, a eventualno neutrošena sredstva, dužno je vratiti na transakcijski račun Općine Ključ.

IV

Za izvršenje ovog Zaključka zadužuje se Služba za finansije i trezor Općine Ključ.

V

Ovaj Zaključak stupa na snagu danom donošenja, a objaviće se u Službenom glasniku Općine Ključ.

Broj: 02-11-3-2375/24
Ključ, 25.09.2024. godine

OPĆINSKI NAČELNIK
Nedžad Zukanović, prof., s.r.

Na osnovu članova 6. i 7. Uredbe o isplati pomoći od strane poslodavca („Službene novine Federacije Bosne i Hercegovine“, broj: 56/24) i člana 40. Statuta Općine Ključ – prečišćeni tekst („Službeni glasnik Općine Ključ“, broj: 3/10 i 3/11), Općinski načelnik općine Ključ d o n o s i

O D L U K U

o isplati pomoći od strane poslodavca zaposlenim kod budžetskih korisnika Općine Ključ

Član 1.

ODOBRAVA SE isplata jednokratne pomoći zaposlenim kod budžetskih korisnika Općine Ključ u novčanom iznosu od ukupno 1.000,00 KM (jedna hiljada konvertibilnih maraka).

Pravo na pomoć imaju svi zaposleni kod budžetskih korisnika Općine Ključ koji se zateknu u radnom odnosu na dan isplate pomoći iz ove Odluke, i to:

1. Zaposleni u Jedinostvenom općinskom organu uprave Općine Ključ,
2. Zaposleni u Općinskom pravobranilaštvu Općine Ključ,
3. Zaposleni u JU „Općinski fond za komunalne djelatnosti i infrastrukturu“ Ključ,
4. Zaposleni u JU „Centar za socijalni rad“ Ključ i
5. Zaposleni u JU „Centar za kulturu i obrazovanje“ Ključ.

Član 2.

Isplata pomoći iz člana 1. ove Odluke izvršit će se u jednokratnom iznosu na transakcijske račune zaposlenih.

Član 3.

Pomoć predviđena ovom Odlukom ne smatra se plaćom niti naknadom plaće za zaposlene iz člana 1. ove Odluke.

Član 4.

Za realizaciju ove Odluke zadužuje se Služba za finansije i trezor Općine Ključ.

Član 5.

Ova Odluka stupa na snagu danom donošenja i objavit će se u "Službenom glasniku Općine Ključ".

Broj: 02-45-2527/24
Ključ, 14.10.2024. godine

OPĆINSKI NAČELNIK
Nedžad Zukanović, prof., s.r.

SADRŽAJ SLUŽBENOG GLASNIKA OPĆINE KLJUČ BROJ: 9/24

<u>Akti Općinskog vijeća – Statutarno – pravna komisija</u>	
PREČIŠĆENI TEKST ODLUKE o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ.....	1
<u>Akti Općinskog načelnika</u>	
Pravilnik o X izmjeni Pravilnika o unutr. organizaciji Jedinственog općinskog organa uprave Općine Ključ ..	5
Rješenje o imenovanju NO u JU „Centar za kulturu i obrazovanje“ Ključ	6
Rješenje o imenovanju člana UO u JU „Centar za kulturu i obrazovanje“ Ključ	6
Rješenje o imenovanju predsjednika i člana privremenog UO u JU „Centar za kulturu i obrazovanje“ Ključ ..	7
Odluka o davanju prethodne saglasnosti za imenovanje direktora JU „Centar za kulturu i obrazovanje“	7
Rješenje o izmjeni Rješenja o imenovanju Tima za izradu Plana integriteta Općine Ključ	7
Odluka o raspodjeli sredstava za (su)finansiranje projekata organizacija civilnog društva u 2024. godini	8
Zaključak – plaćanje računa	8
Zaključak – plaćanje računa	9
Rješenje o imenovanju Komisije za provođenje postupaka javne nabavke	9
Zaključak – prenos sredstava	10
Zaključak – prenos sredstava	10
Zaključak – prenos sredstava	10
Zaključak – prenos sredstava	11
Zaključak – prenos sredstava	11
Zaključak – prenos sredstava	12
Odluka o isplati pomoći zaposlenim kod budžetskih korisnika Općine Ključ	12

Štampa: Služba za stručne poslove Općinskog načelnika i Općinskog vijeća, opću upravu i društvene djelatnosti

Jedinstveni općinski organ uprave Općine Ključ

Cijena jednog primjerka: 5,00 KM

Cijena godišnje pretplate: 50,00 KM

Pretplata se vrši na žiro račun Općine Ključ na broj: 1990440002050484, otvoren kod Sparkasse banke, Šifra općine: 048, Vrsta prihoda: 722 631, Budžetska organizacija: 1010011.

Pismeni zahtjev za pretplatu i dokaz o uplati dostavljaju se, putem pisarnice, Službi za stručne poslove Općinskog načelnika i Općinskog vijeća, opću upravu i društvene djelatnosti Jedinstvenog općinskog organa uprave Općine Ključ